

EGUNEKO DIANAK

Zabalegi Nekazaritza Eskola



Zabalegi Nekazaritza Eskolak berotegietako baratze-gintza eta loregintzari buruzko ikastaroak emango ditu urriaren 14etik eta datorren urteko maiatzaren 29ra arte. Ikaslerik gehienak baserriarren semeak eta lehen lanpostuaren bila dabiltzanak direla adierazi dute antolatzaileek. Ikastaroaren helburua baserri munduari irtenbide berri eta egokia ematea da / **11**

Mauleko Komunikazio Zentrua



Mauleko Komunikazio Zentrua zabalik izango da datorren urterako, eta Zuberoako enpresa, laborari, turismo eta herritarrei telematika eta informatika zerbitzuak eskainiko die. Mauleko Udalarekin batera, ADES Zuberoako Ekonomi Garapenaren aldeko Elkartea, Baionako Merkatal Ganbara eta Zuberoako Industri Elkartea dira proiektu honen bultzatzaileak eta zentrua Zuberoako ekonomia hedatzeko bide izatea nahi dute / **12**

Durangaldeko industriaren egoera



Durangaldeko industriak bizi duen egoera biziki larria dela adierazi zuten atzo ELA, CCOO eta UGT sindikatuek. Industri galeraren aurrean Madrilgo eta Gasteizko Administrazioek duten jarrera «utzi-keriazkoa» dela salatu zuten eta lanpostuen berreskurapena lortzeko neurri zehatzak hartu behar direla azpimarratu / **13**

J.M. Peña San Martin



Atzo hasi zen Burgoseko Entzutegi Probintzian Jose Maria Peña San Martin Burgoseko alkatearen aurkako epaiketa. 'Rio Vena' enpresari legez kanpoko eraikuntza baimenak ematea leporatzen zaio. Burgoseko Enpresarien Elkartea aurkeztu zuen Peña San Martinen aurkako salaketa, eta beroni talde politiko eta bizilagun elkarte ugari gehitu zitzaizkion / **15**


Gotzon Garate: «Edozein nobela baino larriagoa da bizitza, baita pozgarriagoa ere»

A. ITURRIOTZ / DEUSTU

Euskaraz idatzi zuen lehen belaunaldikoa da Gotzon Garate. Literata idazten hasi zenean, euskaltzaleak gutxi ziren, giroa oso nahasia zen eta pesimismo handia zegoen: «Euskaraz betiko galduta zegoela esaten ziguten, euskararen alde alferrik ari ginela, baina guk gauzak argiz ikusten genituen beti eta aldi hobeagoak etorriko zirela pentsatu genuen. Guk ereindako haziak fruitu onak eman dituela ikusten da orain».

Bere despatxuan marxismoari buruzko liburu mordoa du Garatek, errusieraz idatzitako batzuk tartean. «Leninen liburuak ekarri nahi izan genituen Moskutik eta halaxe egin genuen. Baina galerazita zuden, furgoneta bateko erroberetan ezkutatuta pasa genituen Hendaia mugatik». 'Marxen marxismoa' izan zen bere lehen liburua. Polizi elaberrigatik eman da ezagutzera, ordea, elgoibartarra. Baditu hain ezagunak ez diren beste nobela asko, «literatur aldetik askoz aberatsagoak —dio—. Baina, poliziakoak dira munduan gehien irakurtzen diren elaberrak. Nire kasuan argitaletxeak ere izan du zerikusirik; 'Lehortek' esaterako, Mensajeros-en atera nuen eta honen distribuzioa ezin daiteke inolaz ere berdindu Elkarrenarekin».

Liburu guztiak euskaraz idatzi ditu eta askok esan omen dio jesuita izanda, zergatik ez duen espainolez idazten. «Euskalduna naiz eta nire kontzientziak gure herriaren alde



JOSE SIMAL

SOSLAIA

Non egon, hartara jarri

Munduko lau hegaletan ibili da Garate eta, Gorostian Gorosti eta Donostian Donosti, erraz egokitu da egoera guztietara; janari aprezioa egiten badaki eta gaztetan belarri ondoan lehoi bat jarrita ere berdin egiten omen zuen lo. «Baina orain oin-hotsek ere galerazi egiten didate loa». Beronek jarri zuen martxan Euskal Filologia karrera, «kontrario askori aurea eginez». 'Euskal Literaturazko' eskolak ematen ditu goizez Deustuko Unibertsitatean eta gainontzeko orduak idazten igarotzen da. Bere elaberrak guztiak baserrietan idatzi ditu. «Zazpi probintzietako baserrietan ibiltzen naiz. Nere lana izaten da sukaldean egon eta dudaren bat daukadan bakoitzean etxekoandreaki galdetzea».

lan egitea agintzen dit. Oso harro nago euskara hutsean idatzi izanaz» erantsi du. Jesuitek berriak ere erdarazko liburuak argitaratu nahi izan zizkioten. «Erlijosoa naiz eta benetan maite dut Jesusen Lagundia. Baina zalantzan jartzen dut ea erlijiosoek benetan euskal kulturaren alde lan egin duten. Eraberean, ez dut uste Deustuko Unibertsitateak euskararen alde egin beharko lukeena egiten duenik. Benetan, ez dut ikusten lan hori». Jesuitek mundu guztian etxeak dituzte eta horri esker batetik bestera ibili da Garate bizitza osoan; Alemania, Suitza, New York, Afrika, Indian... «momentu on asko pasa ditut, oso larriak ere bai. Baina lagun handiak egin ditut munduan, batez ere jende behartsuaren artean. New Yorken hispanoei asko lagundu diegu, ezkutuan han sartu eta polizia eskuetatik ihesi zebiltzanek». Bizipen guzti hauek oso aberasgarriak izan zaizkiola uste du, nobeletarako gai asko eman dizkiotelako. «Hala ere, ezin dira nobeletan osoki kontatu entzun eta ikusten ditugun gauzak. Nobela guztiak baino askoz larriagoa da bizitza, eta baita askoz pozgarriagoa ere».


Europako herri askotan egin diren independentziaren aldeko aldarrikapenak biziki pozatu dute. «Bakoitzak ikusiko du Jainkoaren eta gizartearen aurrean zer bide hartu, baina nik uste dut herri bakoitzak bere nortasunari eutsi behar diola, nor nor izatera jo behar dugula, eta horretarako beharrezkoa da independentzia gaineratu du.

LERRO GUTXITAN

ETA BIHAR

Osakidetza eta eskola publikoetako kontratuak kritikatu ditu Kontu Auzitegiak

Osakidetzako pertsonala kontratatze garaian legez kanpo jokatzeko delak eta Irakasuntza Publikoan ordezkari irakasleak kontrolik gabe kontratatzen direla kritikatu du Euskal Kontu Auzitegiak, 1988. urteko txostenean. Txosten hau Kontu Auzitegiak aurkeztu zuen atzo Gasteizko Legebiltzarrean. Bertan esaten denez, 1988an ez zegoen Administrazioan lan egiten zuen pertsonalari buruzko zerrenda eguneratutik. Horrez gain, gaineratzen da Hezkuntza Sailean egindako zenbait ordezkari kontratazio inolako beharrik gabe egin zirela. Hezkuntza arloko kontratuetan kanpo, pertsonal gastuak egokiak izan zirela gaineratzen du Auzitegiak. Kritikarik zorrotzenak Osakidetzari egindakoak izan ziren; bertan kontratuak legeak ezarritakotik kanpo egin zirela eta nominak ez zirela ondo kontrolatzen esan zuen, baita Osakidetzako langileek lan hutsegite asko egin zituztela ere.



MAITASUNA edo eromena? Hampshire eta Surrey kriket taldeek partidua izan zuten joan zen irailaren zazpian Londresen. Partidua ezustekoz beteta egon zen; ikusle bat bilutsik jaurtiki zen zelaira, 'Sara maite zaitut' zioen pankarta bat eskuan hartuta. Baina jokalarien kontzentrazioa handia zen, antza, eta ez zuten jokotik begirada ezertarako desbideratu. Neskalagunari maitasuna erakusteko moduak eta moduak daude, baina motell.

Etxebizitza publikoak eraikiko dituzte Iruñeko Arrotxapean

Arrotxapeako auzoan (Iruñea) errejimen bereziko 126 etxebizitza eraikitzeko proiektua onartu berri du Nafarroako Gobernuak. Etxebizitza hauek 176,5 milioi pezetako (9,2 milioi libera) aurrekontua dute eta deialdi publikoa bitartez paratuko dira salgai. 1990an Nafarroako Gobernua eta Iruñeko Udalak hartutako hitzarmenaren atal bat dira; bertan, 1991 eta 1992 bitarteko laurhun etxebizitza publiko eraikitzea aurrikusten zen eta diru sarrerak gordinak gutxienezko soldata baino bi aldiz txikiagoak dituzten familie emango zitzaizkela hauek eskuratzeko aukera.

'Los Albertos' taldearen azken berriak

'Los Albertos' musika taldearen berri emango dizuegu biharko musika orrialdeetan. Barcelonan bizi dira hiru arratsatearrok eta orain gutxi Villanova i la Gletru-ko Udalak antolatutako rock lehiaketan saridun irten dira. Lehiaketa honetara ehun taldetik gora aurkeztu ziren eta berauek ziren katalanez abestu ez zuten bakarrak. Talde honetako bi partaidek 'La Tentacion' izeneko taldean jo zuten.

ONCE

ASTELEHENA

ASTEARTEA

OSTEGUNA

KUPOITZARRA

OSTIRALA

ASTELEHENA

81.294